

ТРОПАРИ И КОНДАКИ ВОСКРЕСНЫЕ

Глас 1-й

Тропарь

Ка́мени запеча́тану от иудей, / и воином стрегу́щим пречи́стое Тело Твое́, / воскрeсл еси́ триднeвный Спа́се, / да́руяй ми́рови жизнь. / Сего́ ра́ди Си́лы Небе́сныя вопия́ху Ти, Жизнода́вче: / сла́ва Воскресeнию Твоему́, Христe; / сла́ва Ца́рствию Твоему́; // сла́ва смотре́нию Твоему́, еди́не Человеколю́бче.

Кондак

Воскрeсл еси́ я́ко Бог из грóба во сла́ве, / и мир совоскрeсил еси́; / и естество́ челове́ческое я́ко Бо́га воспева́ет Тя, и смерть исче́зе; / Ада́м же лику́ет, Влады́ко, / Е́ва ны́не от уз избавля́ема ра́дуется, зову́щи: // Ты еси́, И́же всем пода́я, Христe, воскрeсение.

Глас 2-й

Тропарь

Егда́ снизше́л еси́ к сме́рти, Животе́ Безсме́ртный, / тогда́ ад умертви́л еси́ блиста́нием Божества́; / егда́ же и умерши́я от преиспо́дних воскрeсил еси́, / вся Си́лы Небе́сныя взыва́ху: // Жизнода́вче Христe Бо́же наш, сла́ва Тебе́.

Кондак

Воскрeсл еси́ от грóба, Всеси́льне Спа́се, / и ад, ви́дев чу́до, ужасeся, / и ме́ртвии воста́ша; / тварь же ви́дящи сра́дуется Тебе́, / и Ада́м свеселится́, // и мир, Спа́се мой, воспева́ет Тя при́сно.

Глас 3-й

Тропарь

Да веселя́тся Небе́сная, / да ра́дуются земна́я: / я́ко сотвори́ держа́ву / мы́щию Своeю́ Госпо́дь, / попрá сме́ртию смерть, / пeрвенец ме́ртвых бысть, / из чре́ва а́дова изба́ви нас, // и подаде́ ми́рови ве́лию ми́лость.

Кондак

Воскрeсл еси́ днесь из грóба, Ще́дре, / и нас возвeл еси́ от врат сме́ртных; / днесь Ада́м лику́ет, и ра́дуется Е́ва, / вку́пе же и проро́цы с патриа́рхи воспева́ют непреста́нно // Божeственную держа́ву вла́сти Твоея́.

Глас 4-й

Тропарь

Свѣтлую Воскресѣнія проповедь / от Ангела увѣдевша Господни ученицы, / и прѣдѣднее осуждѣние отвѣргша, / апостолом хвѣлящаяся глаголаху: / испровержесе смерть, / воскресе Христос Бог, // даруяй мiрови велию милость.

Кондак

Спас и Избавитель мой, / из гроба яко Бог воскреси от уз земнородных, / и врата ада сокруши, / и яко Владыка // воскресе тридневен.

Глас 5-й

Тропарь

Собезначальное Слово Отцу и Духови, / от Девы рождающееся на спасение наше, / воспойм, вернии, и поклонимся: / яко благоволи плотию взыти на Крест, / и смерть претерпети, / и воскресити умершия // славным Воскресением Своим.

Кондак

Ко аду, Спасе мой, сошел еси, / и врата сокрушивый яко Всесилен, / умерших яко Создатель совоскресил еси, / и смерти жало сокрушил еси, / и Адам от клятвы избавлен бысть, Человеколюбче; / темже вси зовем: // спаси нас, Господи.

Глас 6-й

Тропарь

Ангельския Силы на гробе Твоем, / и стрегущии омертвѣша; / и стояше Марія во гробе, / ищущи пречистаго Тела Твоего. / Пленил еси ад, не искусився от него; / встретил еси Деву, Даруяй живот. / Воскресый из мертвых, // Господи, слава Тебе.

Кондак

Живоначальною дланию / умершия от мрачных удолій / Жизнодавец воскресив всех Христос Бог, / воскресение подаде человеческому роду: / есть бо всех Спаситель, // Воскресение и Живот, и Бог всех.

Глас 7-й

Тропарь

Разрушил еси Крестом Твоим смерть, / отверзл еси разбойнику рай, / мирносицам плач преложил еси, / и апостолом проповедати повелел еси: / яко воскресл еси, Христе Боже, // даруяй миру велию милость.

Кондак

Не ктому держава смертная возможет держати человеки: / Христос бо сниде, сокрушая и разоряя силы ея; / связуемь бывает ад, / пророцы согласно радуются: / предста, глаголюще, Спас сущим в вере, // изыдите, вернии, в воскресение.

Глас 8-й

Тропарь

С высоты снишел еси, Благоутробне, / погребение приял еси тридневное, / да нас свободиши страстей, // Животé и Воскресение наше, Господи, слава Тебе.

Кондак

Воскрес из гроба, умершия воздвигл еси, / и Адама воскресил еси, / и Ева ликует во Твоем Воскресении, / и мирстии концы торжествуют / еже из мертвых востанием Твоим, // Многомилостиве.